

中國方志叢書·華中地方·第二七號

據

清·唐音布等修·劉國光等纂  
清·光緒十四年刊本

影印

湖北省

# 德安府志

(一)



成文出版社有限公司印行



\*10098295\*

568 107

中國方志叢書·華中地方·第二七號

據

清·賡音布等修·劉國光等纂  
清·光緒十四年刊本

影印

湖北省

# 德安府志


(二)

成文出版社有限公司印行



\*10098293\*

3919527



中華民國五十九年十月壹一版

# 德安府志

全二冊

發行人：**黃成助**

出版者：**成文出版社有限公司**

台北郵政信箱二二六〇五號

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：**東南印製廠有限公司**

和平西路二段70巷83弄29號

內政部登記證內版台業字第一一四七號

光緒十四年戊子鑄

# 德安府志

己丑夏工竣 府署藏板

德安府志序

周禮小史掌邦國之志志爲郡邑實紀守斯郡者欲周知幅員廣袤山川夷險物產豐高風俗樸濶與夫士習民情流風善政節孝忠義錢穀兵農皆披覽全志以得之非是則諮訪難遍卽欲有所設施亦無以爲取鑑垂型之準光緒庚辰予來守是邦甫下車卽索觀府志據佐無以應予意德安古江夏名郡魏科顯宦代不乏人鴻儒鉅製夫豈無傳細詢之知府志不修二百年矣舊志爲康熙二十四年乙丑傅君繡水所修綜一府六州縣爲之志雍正七年己酉析府屬之孝感漢陽府其事之別於德安者可不贅然自乙丑訖己酉四十五年中其事之屬於德安者亦不能不存蓋自傅志後無續刊補訂之書年湮代遠文獻無徵道光癸卯年始刊有安陸縣志安陸附郭邑其志載府與縣事纂詳而或畧於他縣其他雲城隨應各有志詳於縣而畧於府如聚室以處而別戶分門同道以趨而歧途異轍府志所以必修也但修之難其人耳前中興君莊周君景垣皆欲修府志而志不果成豈其時之尙有待耶壬午歲大中丞彭公芾亭修湖北通志刊列條章檄修府志夫府志爲省志之本縣志尤府志之資集都人士而議之僉

應以難詰其故曰典籍剝蝕者舊長星則徵引難兵燹頻仍閭里虛耗則資費難而且人心如面意見各歧則秉筆尤難余曰否否天下事矣以難辭亦視其當爲者爲之而已府志爲一州四縣事蹟所關風化所繫政教所資況自我馬倥傯以來治亂之循環人事之得失風土人物之興衰與夫義士貞女殉難捐軀皆宜勸諸簡編以垂之久遠畏其難而不修遂聽其日銷月剝傳信傳疑後之人卽欲起而修之亦惆恍無憑而湮沒不少矣爰檄各州縣采訪遺事補綴舊文賁送來府廉暑屢易始克成編余覽之竊自幸曰此固二百餘年所未成者今成矣余其成之之人而能獨任其成耶亦幸際其時尤賴諸君子操鉛握槧相與勞心協力以襄厥成耳因記其顛末而爲之序

光緒十四年戊子七月武備院卿銜知德安府事長白  
廣音布撰



續修德安府志序

郡之有志尚矣然躬其事者非深切夫人心世道之憂力持夫實心任事之願即具過人之才之學之識亦難歷久遠而漸底於成則此舉誠非易易也德安郡志自前明正統間范公理訪續成書以越隆慶隨續隨佚至我

朝康熙二十四年郡守傅公鶴祥網羅散失續緝付刊雖分門別類編次未臻盡善而收勝國灰燼之遺鳴

昭代書文之盛存千秋彰渾之實爲百世觀感之資厥功亦甚偉焉迄於今又二百有餘歲矣光緒七年庚君

德安府志

卷之者

鑑如奉檄續修爰於紳耆中擇品行端方見聞博洽者與之公同商酌建局興工工甫竣而鑑如作古今夏初余奉

命來守是邦安陸張子德森應城楊子在渭持以示余屬爲之序案牘之暇詳加披覽見其規模宏遠體制謹嚴而於忠孝節義數大端苟有一節之長片善足錄靡不旁搜博採闡發無遺俾後之覽者至忠孝則相動以天至節義則相肅以禮默化焉潛移焉其有功於人心世道者良非淺鮮於以歎諸君之實心任事不可及而因以慰廣君於九泉者爲已至也余不敏未及躬親其

事而徒坐享其成納手捫心能無自愧然或藉此志之傳而人心愈進而模茂世道愈進而敦龐優而游之以臻上理是又余所深賴於諸君纂修之功而有厚望者也是爲序

光緒十五年己丑仲夏知德安府事樂平汪元慶撰



德安府志

卷之者

二

德安府舊志序

德安郡志自隆慶間纂修未幾歷久無傳百有餘年矣豈曰無人乃敢然不續者蓋慎之也固陋如鶴祥承乏茲土簿書執掌軍需奔馳刑名錢穀日不暇給卽有志修明一行作吏毋論愴慨於魯靈模糊於石鼓卽朝獵夕疏不過撫拾舊章踵事增華而已求其上稽古人傳信後世蓋戛戛乎難之

今上聖神文武薄海內外一道同風

諭部臣檄各省修理志書

各憲奉宣德意命鶴祥纂修郡志鶴祥用是兢兢焉不

德安府志

敢卽安爰請紳士之博者而禮之於雲夢得李君士玆於安陸得萬子年觀及教授郭更名教諭汪紹遠將州邑舊志分讐互校增捐訪輯取其傳信而止凡閱月而成編昔新唐書紀表志出於歐陽永叔列傳出於宋景文乃各標名卷首不泐棠襲今分纂合構志既竟肅帶險易如也物華人瑞炳如也土貢民俗秩如鵠如也以視世之陳陳相因舛篋無當者則有間焉顧鶴祥因之而有進焉德安爲古鄖子國路當數省孔道三關雄峙爲楚北門滕元發雖稱忠厚有鄒魯遺風然田地瘠磽民無蓄積自明迄今無歲

不有軍旅之役今賴

聖天子威靈擴清甯宇

客上憲日申政令而休息之鶴祥亦得仰承盡力以求無負厥職昔禹功成而禹貢作周道隆而周官著則斯志之成問猶有眚窳而偷生者歟輕果剽悍而傲法者歟問猶有士譁於學卒曠於伍甲侵乙移此訟彼計而憂及長吏者歟有之是俗不古若大非勝元發之所云矣抑安用此志爲哉夫志者志也庸人之志在一時君子之志在天下後世書曰訓告教誨又曰毋卽怙淫自鄉先達及耆舊老成各勵其邦之人二三有位各撫其治之民以求其所以爲志之心將風俗日厚節義日彰庶不上負

德安府志

二

聖天子與各憲愛民之至意是不但鶴祥之幸實一郡之幸也又不但一郡之幸寔千百世之幸也今史臣纂修一統大志採風問俗則此一郡之文獻或可少襄

聖朝同文之治庶幾古者小史邦國志之遺意云

康熙二十四年乙丑仲秋湖廣德安府知府加四級傅

鶴祥謹撰

德安府舊志序

周官職方氏掌天下之圖小史邦國外史志四方而又有土訓誦訓之屬法制由此立教化由此行焉蓋郡之有志猶國之有史也然史尚褒貶辭貴乎嚴而志籍揚厲義取乎實史經館閣宏裁以備一朝大政志則山川之圖籍制度之沿革財賦之會計以及戶口之登耗風氣之滯薄所以漸濡其心志而變化其耳目者誠視乎主持之人爲累礪徵文考獻之資故史之成也一定不移志之修也因時而參訂又有妍媸之別事有真贋之殊若憑私挾臆出入失實傳

德安府志

信之謂何此志之所由與史並重也德安吉鄆丁國爲南郡上流北接申汝東界荆城西連荆郢南達江漢負山環水延數百里楚北一都會也前此重罹兵燹凋瘵甚於他郡我

國家景運方新生聚教訓閱數十年而鄆之土宜風俗蒸蒸日上變今

聖天子文教覃敷禮明樂備一統之志八紘之圖以次第修繕繪

郡伯傅公本世閥之練達展名儒之經術海內推爲景卿泣卽七載仁漸義摩雖窮鄉深谷無不洞悉幽隱

其興文治督壘開葦雉堞珥奸宄持體寬大獨除煩苛一切斥弊興利之政師帥六屬綱舉目張矣毅然纂修郡志以仰符

功令用垂久遠唯慮曩帙散落邑乘蕪陋謂蒐討博則輒信有微蘆剔嚴則臧否不素辨晰精則亥亥勿譌網羅舊聞綜攬軼牒以龍門之才而兼董狐之筆退食之餘朱墨點乙心手交并芟繁補闕經厯寒暑兼爲典要乃命士竑與吉陽萬君就局分編萬君尤諳於故實良史才也討論之功居多焉襄事則郡博西陵郭君鄂州汪君又皆經史宗工士林倚盼其相編

德安府志

摩修賈周詳遂成一代典章炳炳麟麟猗猗盛哉史自班范而後咸推歐陽永叔公振起修明文章經濟直爲比肩豈非人與文交萃而成美善歟禮曰修其教齊其政後之勤治者披卷而鏡百世以上不下堂而周知方域之間觀其時流險塞雲物機祥而思其所以勵精明作綱繆保障也觀其供賦之盈絀捐免經制之興革沿廢而思其所以政修人和道一風同也觀其物產貨殖性情俗尚而思其所以好惡取舍敦本抑末也觀其忠孝節烈之闡揚名宦賢隱論才藝之接踵而思其所以端操勵行培養風示也豈

啻覽形勝而徒侈章洪濫之巨麗景名賢而徒羨  
范謝李宋之芳躅稽人物而徒美閭閻許鄭之志節  
哉法制立而勸戒備教化行而熙洽臻採風者有所  
據訓俗者有所本於以翼贊鴻猷光勸邇治則鄭志  
豈不與

國史並昭哉士竑編氓陳人不揣迂疎竊附於盛舉之  
末有榮施焉

賜進士出身原任揚州府江防同知加一級李士竑頓  
首拜撰

德安府舊志序

年觀學疎才淺十閨不售自甘夜糶者久矣仲秋之  
朔辱

郡伯傅憲公祖折簡左顧以志事下委年觀固辭且讓  
公曰尚有雲邑李君郭汪二學博共襄厥事勿患弗  
成子曷辭焉於是適館授餐且進而教之曰郎屬州  
邑已各有志矣郡志挈其綱母費辭勿傷雅母率臆  
母濫竽子其謹之以彰

聖天子

車書一統之盛事年觀因拜而卒業竊念郡志弗

而復修夫耳食尙訛於隔里賢佞或淆於當時欲以  
百年以後之末學而上稽百年以前之文獻不其難  
歟顧三君子皆賢者能揚推舊聞搜羅往古也  
郡伯傅憲公祖又以清貞介石之操出玉尺金錢之才  
共爲裁成觀雖不敏亦不過侈游夏之遺迹以自藏  
其固陋爾昔歐陽文忠作五代史劉壯與華尙指摘  
其短志云乎哉年觀識見弁鄙管窺蠡測雖無當高  
深然櫻欄居楔與櫨薄而並蓄芝苓參朮合莖桂以  
兼收有舊

國恩恭逢

盛舉惟竊附工瞽之末視無疆之景運云爾  
康熙乙丑歲仲秋下澣郡後學萬年觀謹撰

舊志序

正統間修郡志序不存成化間修志郡人張瓚序正德間修志北郡李夢陽序隆慶間修志未鈔無序今錄張李二序俾後有攷焉

陳士元撰

吾郡故有志世遠莫可徵前守天台范侯理正統間訪故志而續之蓋四十年於茲矣山川人物興建事實多簡畧覽者病之成化乙未長垣王侯璽以攷功副郎來守吾郡勤於問學精於政事慨郡乘舛訛銳意重修屬郡中多故未遑也適湖廣按察副使山陰薛公相奉命督學首詢郡志侯曰可以成吾志矣時余以內報陳禪

律學序

卷之六

志序

卷之六

制侯以余爲郡人習聞郡中事俾櫟括焉於是採閱續志蒐戢史書理是非於陳編益見聞於新得分門別例銓次編摩總八卷凡三閱月畢乃質成於侯重加校訂証補闕畧始爲成書侯命工壽梓以傳且需予言爲首引於戲郡乘載一郡事也以一郡上下數千年之事登載一乘使人不出戶而知山川形勝不同世而識人物賢否不咨詢諷悉而達人情審風俗不歷地臨政而辨物達察地利是郡乘所係之重如此余荒疎寡昧任此編集如前云郡乘所係之重則取愧多矣

張瓚記

知府馬君翕修其府志成而謂其同知陶君龍者曰嗟

志誰序者於是同知龍求序李子李子曰夫志觀者仕焉而徹於道夫志必綜古今該名實訂覈驗議發之必才此可以觀學學以昭事以布文褒貶必真臧否以之義例燦焉此可以觀政躋邇信遠繼懲勸繩有類乎史可以觀世昔者聖人之於文也於史焉急故曰知我罪我其惟春秋其說禮也又謂杞宋之不徵也何也國非文不興也郡邑者固國也文以足之學闡政立因志以彰民志必興故曰可徹於道故道而政則其政義政而學則其學據學而文則其文邃文而志則其志信同知龍曰馬汝載之爲府也於時德安有干戈之事險易

德安府志

卷之六

志序

二

信寇平以問汝載汝載曰予蓋得夫山川焉問賦役平曰予蓋得夫戶口焉問人不愛其情曰吾得諸風俗問訟獄省曰吾得其美惡真問教興曰祀神恭士禮民厚問廢舉曰先其大者焉爾故其志申施彰理本之政擴蘊揮聚本之學持例發凡祖之史摘精掇華歸之文考規承則範乎世是故其志譜古今備嚴名實兼公去取衷宏易勸易懲李子曰馬子知道哉一志而四善有焉夫小白大邇自遠故曰遠大之至於可以觀馬子之謂矣

李夢陽撰




德安府全圖



陸輿圖

# 安陸縣輿圖 每方十里



雲夢集圖